

اتوار 30 اگست، 2026

مضمون۔ مسیح یسوع

سنہری متن: یوحنا 10 باب 30 آیت

”میں تے پیواک واں۔“ مسیح یسوع

جوابی پڑھائی: یسعیاہ 7 باب 14 آیت

یسعیاہ 11 باب 2، 5 آیتاں

یسعیاہ 9 باب 2، 6 آیتاں

14۔ پر خداوند آپ تہانوں اک نشان دیوے گا۔ ویکھواک کنواری حاملہ ہووے گی تے پتر جے گی تے اوہ اوہداناں عمانوئیل رکھے گی۔

2۔ تے خداوند دی روح اوہدے اُتے ٹھہرے گی۔ حکمت تے خرد دی روح، مصلحت تے قدرت دی روح، معرفت تے خداوند دے خوف دی روح۔

5۔ تے اوہدی کمر دا پٹکارا استبازی ہووے گا تے اوہدے پہلو اُتے راستبازی دا پٹکا ہووے گا۔

2- جیہڑے لوکی ہنیرے وچ ٹردے سی اوہناں نے بڑی لوو لکھی۔ جیہڑے موت دے پرچھانویں دے ملک وچ وسدے سی اوہناں اُتے نور چمکیا۔

6- ایس لئی ساڈے لئی اک منڈا جیاتے ساہنوں اک پتر بخشیا گیا تے سلطنت اوہدے موڈھیاں اُتے ہووے گی۔

درسی وعظ

بائبل وچوں

1- لوقا 4 باب 14 (توں: 16، 18، 20، 21 آیتاں)

14- فیر یسوع روح دی قوت نال بھریا ہو نیا گلیل نوں مڑیا۔

16- تے اوہ ناصرت وچ آیا جتھے اوہنے پرورش پائی سی تے اپنے دستور دے مطابق سبت دے دن عبادت خانے وچ گیا تے پڑھن لئی کھلوتا۔

17- تے بسعیہ نبی دی کتاب اوہنوں دئی گئی تے کتاب کھول کے اوہنے اوہ مقام کڈھیا جتھے لکھیا سی پئی۔

18- خداوند داروح میرے اُتے اے۔ ایس لئی پئی اوہنے مینوں غریباں نوں خوشخبری دین لئی مسیح کیتا۔ اوہنے مینوں گھلیا اے پئی قیدیاں نوں رہائی تے آنھیاں نوں بینائی پان دی خبر سناواں۔ کچلے ہوئیاں نوں آزاد کراں۔

20- فیر اوہ کتاب بند کر کے تے خادم نوں واپس دے کے بیٹھ گیا تے جنسے عبادت خانے وچ سی ساریاں دیاں اکھیاں اوہدے اُتے لگیاں ہوئیاں سی۔

21۔ اوہ اوہناں نوں آکھن لگیا پئی آج ایہہ نوشتہ تہاڈے سامنے پورا ہو گیا۔

2۔ متی 9 باب 2 توں 8 آیتاں

2۔ تے دیکھو لو کی اک مفلوج نوں منجے اُتے پایا ہو یا اوہدے کول لیائے۔ یسوع نے اوہناں دا ایمان دیکھ کے مفلوج نوں آکھیا پتر حوصلہ رکھ تیرے پاپ معاف ہوئے۔

3۔ تے دیکھو کجھ فقیہیاں نے اپنے دل وچ آکھیا ایہہ کفر بک دا اے۔

4۔ یسوع نے اوہناں دے خیال پتا کر کے آکھیا تسی کیوں اپنے دلاں وچ بھیڑا خیال لیاؤندے او؟

5۔ سوکھا کیہ اے۔ ایہہ آکھنا پئی تیرے پاپ معاف ہوئے یا ایہہ پئی اٹھ تے ٹر پھر؟

6۔ پرائس لئی پئی تسی جان لو وپئی ابن آدم نوں دھرتی اُتے پاپ معاف کرن دا اختیار اے۔ (اوہنے مفلوج نوں آکھیا) اٹھ اپنا منجا چک تے اپنے گھر ٹر جا۔

7۔ اوہ اٹھ کے اپنے گھر ٹر گیا۔

8۔ لو کی ایہہ دیکھ کے ڈر گئے تے رب دی وڈیائی کرن لگے جنہے بندیاں نوں اجیسیا اختیار دتا۔

3۔ مرقس 5 باب 22 توں 24 (توں؛)، 35 (اوتھے)، 36، 38 توں 42 آیتاں

22۔ تے عبادتخانیاں دے سرداراں وچوں یا ئیر نامی اک بندہ آیا تے اوہنوں دیکھ کے اوہدے پیراں وچ ڈگ پیا۔

23۔ تے ایہہ آکھ کے اوہدی بوہت منت کیتی پئی میری چھوٹی دھی مرن والی اے توں آکے اپنے ہتھ اوہدے اُتے رکھ پئی اوہ چنگی ہو جاوے تے جیوندی رہوے۔

بائبل دا ایہہ سبق پلین فیلڈ کرچن چرچ، آزادولوں تیار ہو یا اے۔ ایہہ کلک جیمز بائبل ویاں آیتاں تے میری بیکرا پڑی دی لکھی ہوئی کرچن سائنس دی ورسی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

24۔ اوہ اوہدے نال ٹریا۔۔۔

35۔۔۔ اوہ ایہہ آکھ ای رہیاسی پئی عبادتخانے دے سردار ول دے لوکاں نے آکے آکھیا تیری دھی مر گئی اے۔
ہن استاد نوں کیوں تکلیف دینا ایں؟

36۔ جیہڑی گل اوہ آکھ رہے سی اوہدے اُتے یسوع نے دھیان نہ کر کے عبادت خانے دے سردار نوں آکھیا ڈرنہ
صرف ایمان رکھ۔

38۔ تے اوہ عبادت خانے دے سردار دے گھر وچ آئے تے اوہنے ویکھیا پئی وین ہو رہیا اے تے لوک بوہت روپٹ
رہے نیں۔

39۔ تے اندر جا کے اوہناں نوں آکھیا تسی کیوں رولا پاؤندے تے روندے او؟ کڑی مری نیں بلکہ سوندی اے۔

40۔ اوہ اوہدے اُتے ہسن لگے پر اوہ ساریاں نوں باہر کڈھ کے کڑی دے ماں پیو نوں تے اپنے چیلیاں نوں لے کے
جستھے کڑی پئی سی اندر گیا۔

41۔ تے کڑی دا ہتھ پھڑکے اوہنوں آکھیا اے لڑکی میں تینوں آکھدا واں اٹھ۔

42۔ تے کڑی جھیتی نال اٹھ کے ٹرن پھرن لگی کیوں جے بارہ ورھیاں دی سی۔ ایہدے توں لوک بوہت حیران
ہوئے۔

4۔ یوحنا 10 باب 27 توں 29 آیتاں

27۔ میریاں بھیدیاں میری آواز سُن دیاں نیں تے میں اوہناں نوں جان داں واں تے اوہ میرے مگر مگر ٹردیاں
نیں۔

28۔ تے میں اوہناں نوں ہمیشہ دی حیاتی بختداں واں تے اوہ ہمیشہ تیکر کدی ہلاک نہ ہوون گیاں تے کوئی اوہناں
نوں میرے ہتھوں کھونہ لوے گا۔

29- میرا پیو جنسے مینوں اوہ دیتیاں نیں ساریاں توں وڈھا اے تے کوئی اوہناں نوں میرے پیو دے ہتھوں کھونٹیں سکدا۔

5- مرقس 8 باب 27 (توں:)، 29 (توں پہلی:)، 29 (جیہڑا) توں 31 آیتاں

27- فیر یسوع تے اوہ دے چیلے قیصریہ فلبی دے پنڈ وچ ٹر گئے تے راہ وچ اوہنے اپنے چیلیاں نوں پچھیا پئی لوکی مینوں کیہ کہندے نیں؟

28- اوہناں نے جواب دتا پئی یوحنا بپتسمہ دین والا تے کجھ ایلیاہ تے کجھ نبیاں وچوں کوئی۔

29- اوہنے اوہناں نوں پچھیا پر تسی مینوں کیہ کہندے او؟ پطرس نے جواب وچ اوہنوں آکھیا پئی تُو مسیح ایس۔

30- فیر اوہنے اوہناں نوں تاکید کیتی پئی میرے بارے کسے نوں ایہہ نہ دسیو۔

31- فیر اوہ اوہناں نوں تعلیم دین لگیا پئی ضرور اے پئی ابن آدم بوہت دکھ سہوے تے بزرگ تے سردار کاہن تے فقیہ اوہنوں رد کرن تے اوہ قتل کیتا جاوے تے تنہا دنال بعد جی اٹھے۔

6- متی 27 باب 1، 2 (توں دوجی:)، 35 (توں پہلی:)، 51، 52، 53 (تے دکھالی دتے)، 54 آیتاں

1- جد سویر ہوئی تے سارے سردار کاہناں تے قوم دے وڈیریاں نے یسوع دے خلاف صلاح کیتی پئی اوہنوں مار دین۔

2- تے اوہنوں بنھ کے لے گئے تے پلاطوس حاکم دے حوالے کیتا۔

35- تے اوہناں نے اوہنوں سولی چاڑھیا۔

- 51- تے مقدس داپر دہ آتوں لے کے میٹھاں تیکر پھٹ کے دو ٹوٹے ہو گیا تے دھرتی کبھی تے چٹاناں تڑک گئیاں۔
- 52- تے قبر اں کھل گئیاں تے بوہت سارے بدن اوہناں مقدساں دے جیہڑے سوں گئی سی جی اٹھے۔
- 53-۔۔۔۔۔ تے بتھیریاں نوں وکھالی دتے۔
- 54- ایس لئی صوبے دار تے جیہڑے یسوع دی رکھوالی کردے سی پچال تے جو کجھ ہو یا سی اوہ ویکھ کے بوہت ای ڈر کے آکھن لگے پئی بیشک ایہہ رب داپتر سی۔

7- متی 28 باب 1 توں 3، 5، 6 (توں پہلی-)، 9 آیتاں

- 1- تے سبت دے بعد وں ہفتے دے پہلے دن پو پھٹن دے ویلے مریم مگدالینی تے دوجی مریم قبر نوں ویکھن آئیاں۔
- 2- تے ویکھواک وڈھا پچال آیا کیوں جے خداوند دافرشتہ اسمان توں اتریا تے کول آکے پتھر نوں لٹھکا دتا تے اوہدے اُتے بیٹھ گیا۔
- 3- اوہدی شکل بجلی وانگر سی تے اوہدے کپڑے برف وانگر چٹے سی۔
- 5- فرشتے نے بڈھیاں نوں آکھیا پئی تسی نہ ڈر و کیوں جے میں جان واں پئی تسی یسوع نوں لبھدیاں او جیہڑا سولی چاڑھیا گیا سی۔
- 6- اوہ ایہتھے نیں اے کیوں جے اپنے آکھن دے مطابق جی اٹھیا اے۔
- 9- تے ویکھو یسوع اوہناں نوں ملیا تے اوہنے آکھیا سلام!

8- لوقا 24 باب 48، 46، 50 توں 53 آیتاں

46۔ تے اوہناں نوں آکھیا ایہہ لکھیا اے پئی مسیح دکھ سہو وے گاتے تیجے دن مردیاں وچوں جی اٹھے گا۔

48۔ تسی ایہناں گلاں دے گواہ او۔

50۔ فیر اوہ اوہناں نوں بیت عنیاہ دے سامنے تیکر باہر لے گیا تے اپنے ہتھ چک کے اوہناں نوں برکت دتی۔

51۔ جد اوہ اوہناں نوں برکت دے رہیا سی تے ایتج ہو نیا پئی اوہناں توں وکھ ہو گیا تے اسمان اُتے چکیا گیا۔

52۔ تے اوہ اوہنوں سجدہ کر کے بڑی خوشی نال یروشلیم نوں پرست کے آئے۔

53۔ تے ہر ویلے ہیکل وچ حاضر ہو کے رب دی وڈیائی کر دے سی۔

سائنس تے صحت

1۔ 11-10:583

مسیح۔ رب دا الہی اظہار، جیہڑا مجسم غلطی نوں برباد کرن لئی بدن دی صورت وچ آوند اے۔

2۔ 10-3:315

مالک دے ایس اکھان نے پئی ”میں تے پیواک واں“ اوہنوں ربیاں دے روایتی نظریے توں وکھرا بنایا۔ رب دے بارے اوہدی چنگی سمجھ اوہناں لئی جھڑکاں سی۔ اوہ بس اک سیان نوں جان داسی تے کسے دوجے اُتے اوہنے کوئی دعویٰ

نئیں کیتا۔ اوہ جان داسی پئی اناسیان سی نہ کہ بدن سی تے ایہہ پئی مادا، پاپ تے بدی سیان نئیں سی؛ تے الہی سائنس دی ایہہ سمجھ اوہدے اُتے زمانے دی بھٹکار لیاؤن دی وجہ بنی۔

3- 31-12:145

ساڈے مالک دا ایمان اُتے پہلا مضمون شفا سی جیہڑا اوہنے اپنے طالب علماں نوں پیش کیتا، تے اوہنے اپنے کماں نال اپنے ایمان نوں ثابت کیتا۔ پرانے مسیحی علاج کرن والے سی۔ مسیحیت دا ایہہ عنصر گواچ کیوں گیا اے؟ کیوں جے ساڈا مذہبی نظام گھٹ وگھٹ ساڈے طبی نظاماں دے میٹھاں آ گیا اے۔ پہلی بت پرستی مادے اُتے یقین سی۔ سکولاں نے خدائی اُتے ایمان دی بجائے، منشیات دے فیشن اُتے ایمان نوں ودھایا اے۔ مادے دے اپنے ای مخالف نوں تباہ کرن دا یقین کر دیاں ہوئے، صحت تے ہم آہنگی نوں قربان کر دتا گیا اے۔ ایس طراں دے نظام روحانی قوت دی وحدت توں خالی ہندے نیں، جیدے پاروں مادی سوچ سائنس دی غلام بنائی جاندی اے تے مذہب مسیح وانگر بن جاندا اے۔

4- 32-31:145

کر سچن سائنس دے دائرہ کار وچ بیماراں نوں شفا دینا شامل اے۔

5- 24-11:315

لوکاں دے مخالف تے جھوٹے نظریاں نے مسیح دی رب دے نال حیاتی نوں اوہناں دے فہم توں لکو کے رکھیا۔ اوہ اوہدی روحانی وجودیت دا شعور نہ پاسکے۔ اوہناں دے بدنی ذہن ایس دے نال ویر رکھ دے سی۔ اوہناں دے خیال رب دے اوس روحانی نظریے دی بجائے جنہوں مسیح یسوع نے پیش کیتا فانی غلطی نال بھرے ہوئے سی۔ رب دی صورت جنہوں اسی پاپ دے پاروں نظر انداز کر دینے آں، جیہڑی سچائی دے روحانی فہم اُتے پردہ پاؤندی اے، تے اسی ایس صورت نوں بس اوس ویلے سمجھ دے آں جدوں اسی پاپ دے اثریٹھاں ہننے آں تے ایہنوں انسان دی وراثت ثابت کر دے آں، یعنی رب دے پتر اں دی آزادی من دے آں۔

یسوع دے روحانی اصل تے سمجھ نے اوہنوں ہستی دیاں اصلیتاں ظاہر کرن دے، نا قابل تردید طور تے ایہہ ثابت کرن دے قابل بنایا پئی کینویں روحانی سچائی مادی غلطی نوں تباہ کر دی اے، بیماری نوں ٹھیک کر دی اے تے موت نوں جت لیندی اے۔

6- 13-10:398

ہیکل دے سردار دی دھی نوں، جنہوں اوہ مردہ آکھ رہے سی پر اوہنے جنہوں آکھیا، ”کڑی مری نیں بلکہ سوندی اے،“ اوہنے بس ایہناں ای آکھیا، ”اے کڑیے میں تینوں آکھداواں پئی اٹھ!“

7- 14-4:410

یسوع آکھدا اے پئی ”ایہہ ہمیشہ دی حیاتی ہے اے“ نہ کہ ہووے گی، تے فیر اوہ بیوتے اپنے آپ دے موجودہ علم دے طور تے ابدی حیاتی دی وضاحت کر دے یعنی محبت، سچائی تے حیاتی دا علم۔ تے ہمیشہ دی حیاتی ایہہ اے پئی اوہ تینوں خدائے واحد تے برحق نوں تے یسوع مسیح نوں جنہوں توں گھلیا اے جان۔ صحیفے آکھ دے نیں، ”انسان بس

روٹی تے زندہ نہیں روے گا، بلکہ ہر لفظ نال جیہڑا رب دے منہ وچوں نکلا اے، “ایہہ ظاہر کردا اے پئی سچائی ای انسان دی اصل حیاتی اے۔ پر بنی نوع انسان ایس تعلیم نوں عملی بنان اُتے اعتراض کردا اے۔

رب اُتے ساڈے ایمان دی ہر آزمائش ساہنوں مضبوط کر دی اے۔

8- 25-14:49

نیکی نوں ظاہر کرن والا حلیم جیہا بندہ، انسان دا وڈھا استاد تے یار، اپنی دھرتی والی حیاتی دی قسمت نوں بس رب دے راہیں ملیا۔ کوئی انسانی اکھ اوتھے ترس کھان نوں، کوئی بازو اوہنوں بچان نوں نہیں سی۔ جنہاں نوں اوہنے برکت دتی اوہناں ولوں ای رد کیتا ہو گیا، وڈھے اقتدار اُتے فائز رب دا ایہہ نگہبان، اسمان دا سب توں بوہتا بھروسے والا بندہ، لا محدود روح دی تجدید دے راہیں بدلن نوں تیار سی۔ اوہنے ایہہ ثابت کرنا سی پئی مسیح مادی حالات دے میٹھاں نہیں اے، بلکہ انسانی غضب دی پہنچ توں اچا اے، تے سچائی، حیاتی تے پیار دے راہیں پاپ، بیماری، موت تے قبر اُتے فتح پان دے قابل اے۔

9- 25-22:41

یسوع نے ایہدی پیش بینی کیتی پئی کر سچن سائنس سمجھے جان توں پہلاں کیسی پذیرائی پاوے گی، پر ایس ویلے توں پہلاں دے علم نے اوہدی راہ وچ رکاوٹ کھڑی نہ کیتی۔ اوہنے رب دا مقصد پورا کیتا، تے فیر باپ دے سچے ہتھ جا بیٹھیا۔

10- 32-10، 10-7:44

قبر وچ اوہدے تنّاں دِناں دے کم نے ویلے اُتے ابدیت دی مہر لا دتی۔ اوہنے حیاتی نوں لازوال تے محبت نوں نفرت دی اُستاد ثابت کیتا۔

اوہدی راہ وچ پتھر دیاں کنڈاں سی، تے غار دے منہ اُتے ک وڈھا پتھر لڑھکایا ہو یاسی؛ پر یسوع ہر مادی رکاوٹ اُتے غالب آیا، ہر مادی قانون اُتے فتح مند ہو یاسی تے اپنی ہنیر رہائش گاہ توں باہر نکلیا، شاندار کامیابی تے اک ابدی فتح دے جلال نال تاجدار بنیا۔

ساڈے مالک نے پورے طور تے تے فیصلہ کن طریقے نال موت تے قبر اُتے اپنی جت نال الٰہی سائنس نوں واضح کیتا۔ یسوع داکم انسان دی روشن خیالی تے پورے جگ دی پاپ، بیماری تے موت توں مکتی لئی سی۔

11- 7-1:54

اوہنے انسانی حیاتی دی عظمت دے پاروں الٰہی حیاتی نوں ظاہر کیتا۔ اوہدے خالص خلوص دی وسعت دے پاروں اوہنے محبت دی وضاحت کیتی۔ سچائی دی فراوانی نال اوہنے غلطی نوں جتیا۔ جگ نے، ایہہ نہ ویکھدیاں ہوئے، اوہدی راستبازی نوں قبول نہ کیتا، بلکہ دھرتی نوں اوہ ہم آہنگی نصیب ہوئی جنہوں اوہدے جلالی نمونے نے متعارف کرایا سی۔

12- 29-7:315

بائبل دا ایہہ سبق پلیمین فیلڈ کرچن پرچ، آزاد لوں تیار ہو یاے۔ ایہہ کنگ جیمز بائبل ویاں آیتاں تے میری یکرا پڑی دی لکھی ہوئی کرچن سائنس دی ورسٹی کتاب، ”سائنس تے صحت آیتاں دی کنجی دے نال“ وچوں لیاں ہوئیاں لازمی تحریراں نال بنیاں۔

انسانی شبیہ اپنا دیاں ہوئے (یعنی جیویں پئی فانی نظر نوں وکھائی دیندا اے)، انسانی ماں دے پیٹ وچ حمل لیندیاں ہوئیاں، یسوع روح تے بدن دے وچکار، سچائی تے غلطی دے وچکار درمیانی سی۔ الہی سائنس دی راہ نوں واضح کر دیاں تے ظاہر کر دیاں ہوئیاں، اوہ اوہناں ساریاں لئی مکتی دی راہ بن گیا جنہاں نے اوہدے کلام نوں قبول کیتا۔ انسان اوہدے توں ایہہ سکھ سکدے نیں پئی برائی توں کیویں بچیا جاوے۔ حقیقی انسان دا سائنس دے پاروں اپنے خالق نال تعلق استوار کر دیاں ہوئیاں، انسان نوں صرف پاپ توں دور ہوون تے مسیح، یعنی حقیقی انسان تے رب دے نال اوہدے تعلق نوں پاوون تے الہی فرزندگی نوں پچھانن لئی فانی خودی توں نظر ہٹاؤن دی لوڑ اے۔

13- 19-10:325

کلیسیوں (3:4) وچ پولوس لکھدا اے: ”جد مسیح جیہڑا ساڈی حیاتی اے ظاہر کیتا جاوے گا [سامنے آوے گا] تے تسی وی اوہدے نال جلال وچ ظاہر کیتے [سامنے آ] جاؤ گے۔“ جد روحانی ہستی نوں ایہدی ساری کاملیت، تسلسل تے طاقت دے نال سمجھیا جاندا اے، تے انسان رب دی صورت اُتے پایا جاوے گا۔ ایہناں رسولی لفظاں دا اصل مطلب ایہہ اے پئی: فیر انسان اوہدی صورت اُتے، پیو وانگر کامل، حیاتی وچ لازوال، اوہدے الہی پیار وچ سچائی دے نال، ”مسیح دے نال رب وچ پوشیدہ“، پایا جاوے گا، جتھے انسانی سیان نے انسان نوں نہیں دیکھیا۔

14- 31-28:264

جدوں اسی مسیحی سائنس وچ راہ جان دے آں تے انسان دی روحانی ہستی نوں پچھاندے آں، اسی رب دی تخلیق نوں سمجھاں تے دیکھاں گے، سارا جلال دھرتی تے آسمان تے انسان لئی۔

روزانہ دے فرض

میری بیکریڈی ولوں

روزانہ دی دعا

ایس چرچ دے ہر رکن دا ایہہ فرض اے پئی ہر روز اوہ ایہہ دعا کرے: ”تیری بادشاہی آوے؛“ الہی سچیاں، حیاتی تے پیار دی سلطنت میرے اندر قائم ہووے، تے سارے پاپ میتھوں نکل جان؛ تے تیرا کلام سارے انساناں دے پیار نوں ودھاوے، تے اوہناں اُتے حکومت کرے۔

چرچ مینوئیل، آرٹیکل VIII، سیکشن 4۔

مقصد اں تے کماں دا اک اصول

نہ کوئی مخالفت تے نہ کوئی ذاتی تعلق مادری چرچ دے کسے رکن دے مقصد اں یا کماں اُتے اثر نہیں کرنے چاہیدے۔ سائنس وچ، بس الہی پیار ای حکومت کردا اے، تے اک مسیحی سائنسدان پاپ نوں رد کردیاں ہوئے، سچی پراہ بندی، خیرات پسندی تے معافی نال پیار دیاں مٹھیاں سچیاں داپر چھانواں بن دا اے۔ ایس چرچ دے سارے رکن اں نوں سارے پاپاں توں، غلط طراں دیاں پیشین گوئیاں، منصفیاں، مذمتاں، صلاحواں، غلط اثراں نوں لین تے غلط اثر دین توں آزاد رہن لئی ہر روز خیال رکھنا چاہید اے تے دعا کرنی چاہیدی اے۔

چرچ مینوئیل، آرٹیکل VIII، سیکشن 1۔

فرض لئی چستی

ایس چرچ دے ہر رکن دا ایہہ فرض اے پئی اوہ ہر روز جارحانہ ذہنی صلاحواں دے خلاف اپنے آپ نوں تیار رکھے، تے رب، اپنے قائد تے انساناں لئی اپنے فرضاں نوں نہ کدی بھلے تے نہ کدی نظر انداز کرے۔ اوہ دے کماں دے راہیں اوہ دا انصاف ہووے گا، اوہ بے قصور یا قصور وار ہووے گا۔

چرچ مینوئیل، آرٹیکل VIII، سیکشن 6۔